

要隘

經遠通志稿卷五

第七冊

綏遠通志稿卷五

要隘

綏遠要隘。大抵分寄於陰山、黃河、邊牆之三大系。三系之外，又有前清增設之蒙古卡倫。亦可自成一系。蓋寄於山者多陁谷，寄於河者多津渡，寄於邊牆者多堡衛。獨所謂卡倫者，徧布各旗，不以山河平原為限。殆於陁谷、津渡、堡衛之間，而又加以更密之聯繫。是或兼采古代郵亭斥候之道制，而為之損益建置者歟。茲姑依各系要隘之次第，首陰山，次黃河，次邊牆。最後附以卡倫，皆舉載籍可考，與夫自然形勝之尤著者，分條述之如左。庶後之覽者，得不迷於所向耳。

陰山西段狼山各要隘

陰山自綏西臨河縣西邊入省境，繚歷東來，橫分全省為山前

山後及綏東三大部。其最西一段，自臨河歷五原至安北，俗稱狼山。此山東西數百里，隨處皆有通要道。由西計之，有大巴圖口、什探口、吉拉格楞圖口、阿達口、烏蘭布爾素口、西腦剛口、巴格圖口、東腦剛口、狼山口、狼山口，即史所謂高闕塞也。以上各谷口，皆在臨河縣境。

史記趙武靈王自代并陰山下，至高闕為塞。漢元朔四年，衛青將十萬人北擊胡，渡河取高闕。

水經注史記趙武靈王既襲胡服，自代并陰山下，至高闕為塞。山下有長城，長城之際，連山刺天，其中斷望若闕焉。即狀表目，故有高闕之名也。自闕北出荒中，闕口有城，跨山結局，謂之高闕戍。自古迄今，常置重捍，以防塞道。漢元朔四年，衛青將十萬人，敗右賢王于高闕，即此處也。

綏乘狼山不見於古。相其地勢。實據西北要衝。至唐始於漢南增建狼山一府。據蒙古游牧記。即所謂綽農陀羅海者也。其口正當黃河北流折東處。兩山對峙。有若門然。中間一路通新疆。較他路近二千餘里。古高關或即是歟。案高關之名。見於史籍最早。故歷代志乘述其沿革形勢者。亦幾不可以僂指數。而究其所語。要不能不以遷史。酈注為依據。蓋遷記其所知之事。而酈則兼識其目擊之形也。本條所引。亦祇以史注兩節為限。其餘諸說。則散見於山脈古蹟各門目。若更迭錄。徒增繁複。無謂也。至於狼山之名。始著於唐之狼山府。今人謂之兩狼山。此蓋因古高關塞左右雙峰刺天。厥形似狼。遂以為名。考唐書張仁愿築三受降城。北拓地三百餘里。乃於牛頭朝那山之北。置

烽。據一千八百所。自是突厥不敢度山。牧放朔方。無復寇掠。按今蒙古語謂連理並蒂之狀為尼特。謂狼為恰開。則唐人所稱之牛頭朝那山。即突厥語所謂尼特恰開山。若譯其意義。即雙狼山。或連狼山。正與今人兩狼山之俗稱相合。良以今人蒙古語實有甚多之突厥語。參雜於其間。而隋唐以來。突厥族之物名事類。亦常賴以遞傳於今日。而可為稽古之佐証。如此山之名。即其例焉。蒙古遊牧記引大清一統志。以綽農陀羅海山當狼山。又以吉蘭陀羅海山當牛頭朝那山。殊不知此二山皆在烏喇特前旗之東境。與西境之狼山。或兩狼山無涉。按綽農雖即朝那。恰開之轉音。可以譯為狼。但陀羅海則譯為頭。此即九邊考所謂陰山土名不一。隨在易稱之類。安見狼頭山之即為

狼山或兩狼山乎。况遊牧記所引明明謂旗東三十五里
有居延山。蒙古名昆都倫。四十里為綽農陀羅海。九十里
為吉蘭陀羅海。是知此二山尚在今昆都倫溝之東。已不
在後套界。何能與遠在後套西部之狼山混為一談乎。總
之唐之牛頭朝那山與今之兩狼山及古高闕山本一山
而古今番漢異其名。而簡稱則應同呼為狼山也。其他各
口。非極要者。古名多不傳。今所存率為蒙古名。如大巴圖
為大堅固之義。今地圖往往以此為古高闕。或因其位於
省界之極西。遂疑趙長城當止於此耶。巴格圖為甚小之
義。吉拉格楞圖為甚安樂之義。腦剛為青菜。烏蘭布爾素
為紅柳。凡此皆就山之形狀。或產物為號。無甚深義。惟狼
山口以外。東西腦剛口。吉拉格楞圖口。皆可通漠。亦為省

屬西境之要隘。吉拉格楞圖一稱哈勒格囊。譯為甚遠。因其北出可通至善岱廟。是為烏喇特中公旗。與阿拉善旗連界處。若繼此而往。則前途所極。幾不可量。故別名謂之哈拉格囊也。

自狼山口又東入五原縣境。有什蘭紀口。葫蘆斯太口。馬池口。慶達口。烏蘭息便口。汗烏勒口。馬拒口。烏蘭猛太口。烏補朗口。海流圖口。石那幹口。皆狼山東段各口也。

又狼山經安北至東端。與陰山中段大青山西稍相接處。有通包頭之大山谷。蒙古謂之昆都倫溝。即古石門障。障北為古光祿塞。由障之南口西麓有別枝山脈伸出。斜行向西南。抵黃河岸。長約百餘里。其西端盡處俗稱西山嘴。史記謂之陽山。水經注謂之馬陰山。其偏西最高峰。即唐人所謂拂雲堆。稍東山谷。

曰哈達門溝口。當即古相陽塞通漠道也。此枝山脈蒙古語謂之烏拉山。山陽為包頭轄地。山陰為安北轄地。其於古代國防地位實較狼山東段各隘為尤要云。

重修清一統志。居延山在烏喇特旗東三十五里。蒙古名崑

都倫。又曰陽山在旗西北。蒙古名洪戈爾。史記蒙恬築長城

至臨洮。延袤萬餘里。渡河據陽山。徐廣注曰。陽山在河北。又

曰。後漢書郡國志五原郡西安陽北有陰山水。經注。河水又

南。逕馬陰山西。謂是山也。又曰。拂雲堆在旗西北。唐書。堆有

拂雲祠。突厥將入寇。必先詣祠祭。禱求福。因收馬料兵。候冰

合渡河。又曰。光祿塞在古相陽縣北。漢書地理志。相陽北出

為石門障。案此相陽縣在今包頭縣治之得光祿城。又曰。後

漢書和帝紀。永元元年。度遼將軍鄧鴻出相陽塞。案漢臨沃九原二縣

又在今包頭西。此相陽塞與匈奴戰於稽落山大破之。又魏書太

祖紀登國六年直力鞬出相陽塞侵黑城帝襲五原屠之於

相陽塞北樹碑紀功。

案烏拉山雖為陰山枝脈突出於狼山與大青山之間然

自秦漢以來實為北疆重鎮蓋秦之九原郡治即在此山

之陽漢雖改稱五原但郡治仍在故地且西有安陽東有

臨沃並負山面河以成扼要之勢而此山所具諸名蹟亦

皆得備載於志乘以傳於千百世如本條所舉居延山陽

山馬陰山石門障相陽塞拂雲堆等應引諸書已分見於

山脈古蹟疆域各門目故不悉錄茲僅彙附清一統志數

節以明其概惟水經注於陽山馬陰山皆引漢書注云陽

山在河北陰山在河南之句而又辨之曰實不在河南所

辨固甚是。惟其引陰山以注馬陰山。此則未免有以大釋小之弊。蓋陰山本橫亘綏遠大幹山脈之稱。而馬陰山則不過陰山枝脈之一隅而已。又水經注謂北河逕陽山南。殆以今之狼山為陽山。亦似未允。考徐廣注史云。陰山在五原北。而漢五原縣在今安北界。再北即狼山。然則今之狼山。但可釋為古之陰山。而不可釋為古之陽山也。况漢書匈奴傳。侯應曰。北邊塞外陰山。東西千餘里。本冒頓單于依阻其中。至孝武帝出師征伐。斥奪此地。攘之於漠北。又九邊考云。自陰山而北皆大磧。又史記蒙恬渡河據陽山。就此諸說觀之。則知最北近漠者為陰山。稍南近河者為陽山。乃酈氏誤信漢書注。陽山在河北。陰山在河南之語。雖明知二山皆在河北。而卒不免以在北者當陽山。在

南者當陰山。適易兩山而倒置之。假使果如酈氏之說。則史漢所述趙築長城。當云並陽山至高闕。不當云並陰山。蒙恬渡河。當云據陰山。不當云據陽山。孝武出師。當云至陽山。九邊攷亦當云陽山以北皆大磧。顧何以諸說乃無一能與酈注相合者。豈諸說皆不足據。而獨酈注為可信乎。必不然矣。嘗竊揆兩山得名之義。殆因陰山在北。位於陽山之陰。陽山在南。位於陰山之陽。故互為賓主。以為稱。非因處於黃南北。而以水之陰陽得名也。以上所辨。為古代陽山。即今之烏拉山。而相陽塞。石門障。拂雲堆。馬陰山。諸要蹟。則又皆古陽山之一峯一谷而已。至於古陰山。西部。即今狼山之東段。各要隘。除烏布朗口為通漠大道。可行車騎外。餘皆崎嶇狹隘。易資防守。是以民國二年。庫

兵南犯時。共分三路。其西路兵。即以烏布朗口為必爭地。事平後。綏軍西路司令孔庚。隨於口側。烏蘭腦包。建築可駐步騎一旅之大營壘。以資控禦。可謂善擇地利矣。又如汗烏勒口。蒙語謂山曰烏勒。若譯漢當云汗山口。蓋蒙古稱狼山。全部為汗烏勒。正與黃河之稱哈敦剛勒相對待。緣汗烏勒。猶云君主山。而哈敦剛勒。則猶云夫人河也。據蒙古父老相傳。汗烏勒之名。曩本以之稱烏拉山。迨清康熙帝過此。始改曰烏拉山。譯即不聰明之義。故蒙人。不甚樂用此名。而仍存汗烏勒之舊號於狼山間。然則汗烏勒口。雖小。但於南北兩山之名。稱沿革。猶有一段俗傳之歷史在焉。

陰山中段大青山各要隘

陰山自西向東至古石門障為狼山烏拉山與大青山分界處。古通光祿塞。今則為包頭縣與固陽安北二邑交通之衝道。又東有白彥溝口。大廟子溝口。並通固陽。其在包頭縣治正北者。有五道溝口。入口經井子溝。榆樹溝。竈火溝。鷄毛窰子溝。開州窰子溝。以達於石拐鎮。又自五道溝口再東。有劉寶窰子溝口。阿拉善溝口。皆小山谷。不通車馬。又東即五當溝口。為包頭與薩拉齊縣分界處。入溝亦至石拐鎮。與五道溝相合。向北直達山後。為車馬通行大道。故石拐一隅。實包薩固三縣交通之總樞。亦陰山前後扼要之重地也。若就包頭縣轄境論。則石門障以外。當推此溝為第一嚴關矣。

重修清一統志。布當圖山在薩拉齊西八十里。五達谷在薩拉齊西一百三十里。

案大青山西端各隘口。自石門障以東。其名見於載籍者。益寡。今所傳率為土民相沿之俗稱。殊難據以考見古代情概也。一統志所謂布當圖山。即五當溝南面諸峯。所謂五達谷。即廣覺寺。俗稱五當名所在之正溝。因山位在前。故稱八十里。正溝在後。故稱百三十里。實則不過一山。而以陵谷異其名。本應著為同一之字。以存其真。顧乃無端別為布當五達之稱。寧能免於後人之轉滋歧誤乎。又如山西通志注謂烏達卡倫。即薩拉齊西北之五當谷。一作無黨。只此一山一谷。而竟有布當五達烏達無黨五當等之五種稱號。益可知舊籍名謂之足以眩人者甚夥。苟非真悉其歧誤之由。固未易扶訛謬而辨同異也。况包頭一邑。位於綏西大青山與黃河水陸兩路之衝。其通漢大道。

西北首推昆都倫溝。東北又以五道溝轉通五當。大溝為最要。茲不惜辭費而糾其誤。亦正因其所繫非輕耳。又按張氏綏乘以包頭縣城東轉龍藏廟列於要隘中。誠不解當日著者取裁命意之所在。若就廟之本體論。則廁之古蹟。廁之名勝。廁之名廟。均無不可。而獨不宜濫廁於省防要隘之林。如其高踞山巔。足以俯瞰瞰包縣全城。以為可備一方要隘之目。則應歸重於山。而不應特著其廟。溯民國十四五年。西北軍統治綏時。嘗鑑於此山之險峻。因擇於廟東北高崗上。建容兵一團之大營壘。東可以扼山谷。西可以護全城。倘後來者能於此壘續葺而不廢。則稱為要隘。亦庶乎可謂名副其實矣。

大青山自五當溝口以東入薩縣界。歷山麓東行。有鐵匠溝口。

沙穆爾架溝口。小斗林沁溝口。大斗林沁溝口。巴圖溝口。阿刀
亥溝口。忽洞溝口。此數者皆淺狹山谷。雖因產煤而有四季不
停之車駢運行。然皆旋入旋出。不能貫通於山後。惟土民之熟
諳僻陁者。得繞行度。因以達於通漠之大溝。否則四圍亂山。悉
成斷澗矣。再東有水澗溝口。舊稱蘇爾哲谷。可通行至武川。固
陽兩縣境。又東有朝陽洞溝口。納太溝口。乾溝口。此皆須轉別
谷方能北出者。又東有水溝口。亦稱美岱溝。蒙古語謂之哈龍
貴溝。石陁崎嶇。惟徒步單騎可以通武川。又東則有沙兔溝口。
白石頭溝口。柏樹溝口。小萬家溝口。大萬家溝口。大萬家溝為
車馬通漠大道。亦薩屬最東邊界也。

重修靖一統志。蘇爾哲谷在薩拉齊西七十里。伊克蘇爾哲
谷在薩拉齊地。

案清一統志所示蘇爾哲谷之方位頗似今之五當溝口。蓋其記五達谷云在薩拉齊西百三十里。其記布當圖山云在薩拉齊西八十里。因山在溝口之西而谷在溝口之北。故其所記距離尚非甚謬。惟其別以溝口為蘇爾哲。此誠他書記載所不常見也。若謂其所記非此溝。則自此以東去縣愈近。而七十里之說益鑿。相不可強合。大抵他書多以今水澗溝當蘇爾哲。如歸綏識略。綏乘皆是。顧一統志又有所謂伊克蘇爾哲者。觀其所示。僅云在薩拉齊地。而不明著其方位里數。則與識略。綏乘謂蘇爾哲在薩北二十里者。殆可約畧相符矣。所異者。識畧。綏乘祇名蘇爾哲。而不冠伊克之稱。一統志則以水澗溝為伊克蘇爾哲。而以不冠伊克者為五當溝。此二說孰然孰否。頗難遽決。

若就蒙古語伊克譯為大。則水澗較五當。無論山形水勢。均未見其果能加巨也。是則一統志之說。或因方位里數。有訛誤處。亦僅可錄其語以存疑案。若夫水澗溝之舊名。則無論其可否。冠伊克。要其足以當蘇爾哲。似終較他谷為可信耳。又如萬家大溝。依水經注核之。當即古塞水逕流之地。注文見河流塞水條。茲不復引。董祐誠氏箋註云。多羅圖必拉。察蘇七必拉。皆南流入圖爾根必拉。未知何者為塞水。實則察蘇七。即今察素齊鎮。水逕鎮西。故即以鎮名名之。必拉或為剛勒。或格。拉之誤。轉蒙古語謂河也。大青山自萬家大溝口以東入歸綏縣界。緣山麓東行。有萬家西溝口。萬家東溝口。此二溝僅隔一崗。俗稱牛鼻坡。產煤。能互通而不能達山後。又東珠爾溝口。向北行。經榆樹店。可至武川。

境。又東馬群溝口、黑牛溝口。此可與珠爾溝北路相合。亦山南
通漠之捷徑也。又東有西喇嘛洞溝口。此雖斷澗。而山中景物
極佳。又東水磨溝口。入口經竈火溝而達武川。水經注謂此為
白道中溪。蓋載籍著稱之名區也。又東白石頭溝口、霍寨兒溝
口。均淺谷。又東烏素圖溝口、圓山子溝口、翁滾壩溝口。此溝為
綏垣北出第一要道。古稱溝為白道谷。壩為白道嶺。踰嶺即元
人所謂甸城路。北通武川及烏盟各旗。其側徑向西南。亦可曲
折通五素圖溝。自古籌邊者莫不以此為陰山最衝之天險云。
重修清一統志。牛心山在歸化城西北一百十里。蒙古名巴
顏朱爾克。又曰黑勒庫谷。在歸化城西北七十里。烏素圖谷在
歸化城西北二十里。翁公谷在歸化城北二十里。又曰翁公
山。在歸化城北三十五里。有元時建甸城廢址。方輿紀要。後

魏雲中鎮有白道嶺。白道川。括地志。魏武川鎮有白道谷。谷口有白道城。

綏遠旗志。黑勒庫谷。土名黑牛溝。在城西七十里。烏素圖谷。在城西北。谷深四十里。白道嶺在城北三十里。俗名吳公壩。水經注。芒干水。逕白道谷。谷口有城。即此。

案清一統志。稱牛心山。蒙古名巴顏朱爾克者。即今珠爾溝水所出之山也。蒙語謂心曰朱爾克。謂富曰巴顏。若依一統志所引蒙古語譯之。則應曰富心山。不知何以訛為牛心山。豈因其與黑勒庫谷相近。遂以彼例此歟。考黑勒庫谷。俗稱黑牛溝。雖其字音簡畧。未能足意。然所譯尚大致不差。蓋蒙語黑牛。應作哈勒烏庫爾。此作黑勒庫。其音意亦駁駁相類矣。惟黑勒庫距城已將百里。而各志多謂

在城西七十里。此皆因一統志而致誤者也。至於白道之名見於載籍最早。如水經注括地志魏齊隋唐諸史及後世志乘皆嘗屢著其地。因本志古蹟疆域各門已一再徵引。故不複錄。以免繁累。惟自遼金元迄於近世志乘。多不稱此山為白道嶺。或白道谷。而但稱之為翁滾壩。或翁滾山。更有如遊牧記則曰翁袞。朔平府志曰蜈蚣。歸綏識畧曰吳公實則蒙古語謂神曰翁滾。故漢譯亦稱此山為神山。而其起源固肇始於金時守邊部落之汪古也。汪古部人最迷信。以部內最大之山為有神。因名山而兼以名其部。雖其後元兵平江古。而汪古之名反賴此山以得傳。厥後年代湮遠。語音遞變。而山谷得名之由來與夫汪古轉為翁滾之故。亦鮮知者。於是瓮翁蜈蚣吳公諸譯名。遂紛

然雜出無所折衷。而近今考察西北諸士夫其誌此嶺尤多望文生義。以為嶺勢蜿蜒羣峰側出。酷似百足之蟲。故謂之蜈蚣嶺云。其說淺陋。誣人有不得不為一正者。且此山在前代不唯一嶺一谷為足重。即其四旁附近之地。苟就邊防形勢觀之。實皆綰轂漠南極要之區也。自滿清以前。歷代征戰屯戍之著於史者。其蹟甚繁。不可備述。即滿清之初。既已撫有內外蒙古。而其分軍駐防亦仍有不能忘情於此一隅者。則其所繫為何如乎。如雍正九年九月。上諭歸化城北翁衮地方。係八旗察哈爾西界。四子部落。我明安烏喇特東界。於適中形勝之處。調度二面亦屬容易。著行文大將軍馬爾賽。令伊帶領漢軍兵四千。會同喀喇沁兵一千。往翁衮地方。環山有樹木水草處。駐劄。其後

蓋因綏遠城於乾隆初年築成。駐防旗軍亦有永遠屯居之處。始移防於山南。民國十五年。因山道逼仄。經警務處重加修治。雖盤屈如故。而易崎嶇。羊腸為廣途。使方軌并騎。皆得從容來往。於其間。當時司事者。嘗摩崖鐫化險為夷之銘。其語固自矜然。知其難者。亦多許為近寶焉。

大青山自翁滾壩溝口以東。仍為歸綏界。其與壩溝毗連者。有紅砂口。子溝。淺狹不可通行。又東有喀喇沁溝口。為小黑河水發源處。古武泉水也。又東有哈拉更溝口。又東有東喇嘛洞溝口。亦稱鼓樓板溝。此三溝皆可通武川。又東有野馬圖溝口。奎素溝口。入口十餘里。有補還溝。為野馬奎素二溝互通捷徑。亦可北行達武川境。又東有巴爾合少溝口。淺谷不通行。又東有大窰子溝口。討不齊溝口。皆車馬孔道。而討不齊溝且為平綏

鐵道經過之地。稍北有拐角鋪溝口。再東有那只亥溝口。入口經鵬窩溝而達山北。是為歸綏東北邊界。亦即大青山正幹之東端也。

重修清一統志。喀喇克沁谷在綏遠城東北四十里。谷內盡松柏樹。羊圈子谷在綏遠城東北六十六里。蒙古名依馬圖。又曰蟠羊山。在綏遠城東北六十五里。蒙古名衣馬圖。魏書太祖紀。天賜四年北巡。自參合陂東過蟠羊山。即此。又曰黑水谷。在歸化城北二十五里。蒙古名喀喇烏素。

案北魏時參合陂有二。一在大同縣東北豐鎮縣東南。今長城所經處。是為前漢參合縣故地。魏軍擊敗燕太子慕容寶者。即此。稍東北有蟠羊山。蒙古名依馬圖。其一在今涼城縣治西北。西溝門出口處。是為後魏參合縣故地。魏

主珪誕生埋胞榆樹成林者即此自此西北行百餘里入
歸綏縣境有蟠羊山蒙古亦名依馬圖魏書天賜四年北
巡自參合陂東過蟠羊山乃豐鎮東南之蟠羊山非涼城
西北之蟠羊山觀史文東過一語至為明顯而一統志乃
竟以綏遠城東北涼城縣西北之山當之豈漢魏兩參合
皆在此山之西乎則其刺謬可不待繁詞而悉著矣又如
黑水谷綏遠北山本無此名按其所譯喀喇烏素之語揆
之則知所述仍是喀喇沁溝蓋蒙語謂黑曰喀喇或哈勒
而溝為小黑河水發源處故有喀喇之稱此外北山諸水
更無以黑為名者而黑水谷亦向未為此邦人士所稱說
則一統志誤以一名而分兩地亦似無甚可疑者顧或者
以為此殆指今之哈拉更溝也殊不知哈拉更尚在喀喇

沁之東。一統志謂喀喇克沁谷在城東北四十里。黑水谷在城北二十五里。是志文以為在西者。豈可越一大谷而移之更東耶。就此推論。則知黑水谷之名。實誤於喀喇沁。而非誤於哈拉更矣。况喀喇烏素正與黑水河之譯意相符。不必因其所記距離方位之差。而遽疑為別有一谷也。至一統志所誌歸化東北諸山谷。尚有一二異名。因別籍及土名皆無可考。不知為今之何溝。故悉節而未引。免滋疑誤。總之綏城東北諸谷。除少數斷澗不計外。餘皆山南山北交通大道也。當遼金元時。以豐州綰山前。以天山縣領山後。而豐州故蹟在今綏垣東五十里。意彼時兩地交通。必皆側重於上述各溝。觀於山前有富民縣。而山後有富峪。即不難揣見其彼此聯繫與夫前後互通之狀。自明

棄邊外地。豐州乃漸廢。而以歸化城為山前重鎮。於是曩日交通要道亦漸由城東各溝轉移於城北之翁源谷。此蓋因時代推演與地方之興替而使古今道路亦顯分其輕重者也。大抵遼金以前翁源谷本為通漢要隘。觀水經注唐書之屢稱白道。可以為證。惟自遼建豐州後始一度之變遷。迨歸化既興而唐前形勢乃漸復舊觀。近歲以來邊防建設日不暇給而東北各溝之經營布置遂又得與城北翁源谷同其鞏固險要矣。

陰山南枝。瞞汗山各要隘。

陰山正幹之大青山。自包頭縣治西北昆都倫溝口東行。至歸綏縣治東北那只亥溝而盡其端。由此再東而再南。皆成枝分散布之狀。較諸綏中正幹之橫亘一線者。迥不同矣。其南行一

枝與正幹劃分處。以平綏鐵道所經之討不齊溝為限。溝以北為橫列之正幹東尾溝。以南即縱列之旁枝起端也。此段山脈俗稱瞞汗山。自討不齊溝向南蜿蜒起伏。歷歸綏和林清水河三縣東界而抵於晉邊。其間山谷險要亦頗有可稱者。茲依次述之如左。

自討不齊溝再南有深谷曰二道溝口。此與東北之頭道溝均為大黑河水經流之地。水經注所謂芒干水者即此。又南曰榆溝。蒙古名烏里雅蘇台。是為昔年由綏東去之中路大道。蓋與稍北之討不齊溝及稍南之石匣子溝並列為車馬交通三要途也。入榆溝東行。歷石人灣溝、牛角川、大壩及小壩子溝諸險徑。崎嶇曲折。凡二日程。始出山而達岱海灘。則溝長幾二百里矣。又南則山勢多陂陀而鮮深澗。更南曰西溝門。即俗所稱石

匣子溝自此東行出谷抵涼城縣。水經注謂之參合陁。又南曰
善意溝。口有泉水出谷向西北流。是為黃水河。又南近和林縣
城曰大南溝。口此皆淺谷。由此向東南有二惱溝。口夾渠溝。口
再南曰柳十溝。口圪針溝。口火盤溝。口青道溝。口黑地溝。口至
此已達和林縣東南邊境。以上各溝或為通涼城之捷徑。或為
入晉邊之僻途。除一二斷壑外。大抵多可通行也。

重修清一統志。榆溝谷在綏遠城東北八十八里。蒙古名烏

里雅蘇台。

綏遠旗志。榆溝土名石人灣。在城東北九十里。蒙古亦名烏

里雅蘇台。

案歸綏東山諸谷於舊籍稍有名者。第一當推酈注所述
之參合陁。其原注文已著錄於本志古蹟。故城參合縣。余

下茲不復引。第二當推漠北日記所述之榆溝。歸綏識畧綏遠旗志皆嘗節取其文。而主要之三數語大致與一統志所紀者相髣髴。或者一統志榆溝谷之注亦殆以文端此記為藍本歟。按蒙古語烏里雅蘇譯為榆樹亦偶有作白楊者。至於語尾加台字音則為有與多之意。張小袁歸綏識畧謂其名與定邊左副將軍駐地相同。蓋皆以產榆較多得名也。除參合陁及榆溝外其他諸小谷率為土名。於載籍多無可考。惟頭二道溝為大黑河水經流處。善意溝為黃水河發源處。向來考據學者已確認大黑河即古之芒干水。並以黃水河為古之白渠水。此二水於酈注中皆著名之川。其經流及發源之地在當時豈能無名。而惜乎酈氏祇言其出塞外。而不言其所出者。究為何山何谷。

此亦考古之一憾也。

自黑蛇溝口以南入清水河縣界。山勢重疊。由縣屬東邵循邊
牆向南復西折抵黃河。又沿河東岸斷續北行。踰縣西北境至
托克托縣東南部為止。而山脈之餘枝亦盡於此。其在縣東與
黑蛇溝口毗連者。有長梁溝口。入口東南行。亦有名頭道溝者。
稍西有潤溝。亦稱石匣子。蓋與歸和分界之石匣子溝同名而
異地也。再南復有圪針溝。土人呼結酸棗之野棘為圪針。因谷
中多棘。故以為名。此數谷皆有羊腸曲徑。可通邊內。又西曰雙
石溝口。再西自縣城南出曰祁家溝口。又南曰樺樹溝口。曰段
家溝口。又南經溝掌而達晉邊。此自縣直南之一要道也。再西
至老牛灣。為邊牆與黃河岸縱橫交會處。此不特為今日晉綏
互通之衝途。實亦為明代築邊屯戍之重地。由此向北有窰溝。

可達黃河岸。又北曰八拜溝口。則僅為清托二縣往來之捷徑而已。

山西舊通志。老牛灣。明成化三年。總兵王璽築牆。崇禎九年。兵備盧友竹建堡。東接滑石澗口。臨黃河岸。當西北之衝。堡南河口墩。乃關河入黃河地。關河南為榆林界。常勝山上有墩。右老牛灣。左滑石澗。俯瞰黃河。東長嘴在偏關北五十里。東西石嘴。胥袤五六里。河經其中。

案清水河縣東南西三面山谷要隘。類多俗稱。不見於古。今史志諸書。茲所輯錄。僅限於采訪所得。及搜集吾綏省縣圖繪所列者。略著其概耳。良以舊籍所載。此方山谷衝要。本極簡略。縱有一二方望近似者。然苟持以與今日之俗名較。則仍鑿枘牴牾。而不可強合也。惟長梁溝。應即白

道梁之一谷。唐李世勣征突厥先敗之於白道。既復追躡
白道川即此。詳見疆域沿革。白道梁、白道川、白道谷、白道
嶺各條。又清托兩縣連界處之山。即古之緣胡山。詳古蹟
楨陵故城條。可互參也。

陰山正幹東尾分散餘脈之各要隘

陰山正幹自綏西後套西邊入境。歷數縣而終止於歸綏縣屬
之東北界。自此以往除南行之瞞汗山一枝外。其東行之餘脈
愈散漫無條理。既非橫亘亦非縱列。既非起伏連綿尤非星羅
碁布。究其形狀不過大者邱陵小者崕嶺參差疎密紛列於綏
東數縣境內而已。如綏東稍有名之平頂山也。恢騰梁也。韓慶
壩也。盤道山也。自下望之未嘗不具崔巍難躋之勢。然苟景行
而陟其巔則見野田膻膻極目無邊。竟成有登無降之大高原。

而前所望見之山。不過為此類高原一隅之橫斷面耳。是以綏東各縣地形。稱之為波浪式之山地。固可。即稱之為階級式之高原。亦無不可也。惟其如此。故欲循山脈而稽其要隘之次第。如陰山正幹諸澗谷。非特考諸古籍為不可能。即按諸新出地圖。亦猶病其不可能焉。茲擇綏東可以設防置戍之地。述其大概。聊備一方要隘之數。其為原為谷。可不計也。

陰山餘脈自歸綏縣東北界經武川縣之東邊。與陶林縣之西邊。再迤邐斷續向東北而盡。其端於沙漠。實則此等山脈。仍是陂陀重疊之高原耳。其在武川東界者。有黑山子。察汗溫都爾山等名。其山谷有曰三道溝。四道溝。皆武川通陶林之車道。其在陶林北境者。有恩格山。自此向東北。有衝要之區。曰土木爾台。是為由察哈爾北部西入烏盟之要道。更東南至陶林縣東

自邊復有要地曰紅格爾圖。此地雖為無深山峻嶺之農村。然其地位適扼居於綏遠東北出入之衝。故於省防所關為特重也。自此沿省界東行至興和縣東北境。有曰烏蘭大壩者。為由縣入察北之孔道。又由縣城南行至高廟子。曩於此設稅局。其為稽徵綰轂之地可知。再南入山。有曰三道溝三角溝者。則皆通晉必經之途也。

綏東各縣境集寧有弓溝。可以南通豐鎮而東達興和。又如豐鎮東南有榆柏溝十九溝。再東有西溝門大東溝二道溝等名。若專取山谷則凡此諸溝似宜一一標舉。方不致有遺珠之憾。惟此類不盡屬要隘。而以溝道為名者。編綏境各縣旗幾於無地無之。固不僅綏東岡巒曼衍之區為然也。故本條所舉皆綏東省防要地之尤著者。若其

他尋常澗谷。留為異日。色乘之。取材可也。

黃河沿流各要隘。津渡附。

黃河自沃野設治局西南入。綏境北流入臨河縣界。東折經蘇

台廟黃家灣。又東經五原縣境之惠德成同興堂。再東歷安北

與包頭分界之西山嘴。繞中灘而至包頭縣城南十五里之南

海子。又東過磴口入薩拉齊縣境。向東南經冒帶渡。漸屈而南

至托克托縣之河口。即湖灘河朔。亦稱湖灘和碩。又南為托克

托。清水河兩縣交界處。曰喇嘛灣。或以為即古君子津。更南流

至老牛灣。出清水河縣境。縱截邊牆而入晉之偏關界。

朔漠方略。康熙三十五年十一月。諭皇太子曰。二十七日。駐

蹕麗蘇村。二十八日。駐湖灘河朔。漢人稱此為托托城。此即

黃河之岸。波流甚緩。非南方黃河之比。二十九日。朕詣河干。

將河測量。其濶五十三丈。仰射而過五十餘步。於是登舟。逆流舉棹。以試水勢。船猶可行。自歸化城至黃河岸一百七十里。又自湖灘河朔起至寧夏止。安十三塘。方輿紀要。晉太和三年。代王什翼犍擊劉衛辰。自君子津濟時。河冰未合。什翼犍命以葦絙約流。俄而冰合。代兵乘之以渡。太元元年。苻秦伐代。什翼犍軍還至君子津。魏始光三年。自將伐夏。行至君子津。會天暴寒。冰合。遼濟河襲統萬。大掠而還。

蒙古遊牧記。鄂爾多斯左翼前旗扎薩克固山貝子游牧地。東至湖灘河朔。古君子津當在此間。

歸綏識略。包頭鎮南十五里有南海子。又曰喇嘛灣渡口。俗名湖灘河朔。與西北毛代渡口。或謂即古君子來達兩津。

山西通志按圖及志喇嘛灣有二一在托克托廳之南三十里一在廳南九十里清水河廳界湖灘河朔字本作胡坦和碩蒙古語城隅也當在今廳南之河口鎮非喇嘛灣君子津以水經注元和志諸書核之當是廳南之喇嘛灣在清水河廳者

業水經注元和志所載君子津原文已見河流及古蹟故城勝州河濱縣各條茲不複引惟張氏綏乘以山西通志所考湖灘河朔與朔漠方畧不符斥為曉曉置辯其意蓋謂山西通志以喇嘛灣與湖灘河朔君子津牽混為一談而致誤也實則山西通志殊不誤特所述稍欠明晰耳甚者近人所考以為山西通志所稱喇嘛灣有二之外更謂湖灘河朔有三其意以為山西通志譯為城隅而指河口鎮

當之者。此托屬之一湖灘河朔也。歸綏識略以喇嘛灣當
之者。此清屬之一湖灘河朔也。遊牧記以固山貝子牧地
東界當之者。此黃河西岸之又一湖灘河朔也。觀所引之
及所指之地。似一一皆有典據。若無可置疑者。而不知三
書所舉實猶是同一之湖灘河朔而已。山西通志譯湖灘
河朔為城隅。或作胡坦和碩。其譯意本極正確。並以距托
城最近之河口鎮當之。推斷亦甚是。即証以朔漢方畧。駐
湖灘河朔。漢人稱此為托托城之語。亦復正相脗合。夫湖
灘河朔既確定在河口。顧遊牧記歸綏識畧。又何以指在
黃河西岸與喇嘛灣乎。此蓋別有其故。而曩之著書者僅
各就所知述之。遂不免彼此互異耳。考湖灘河朔之著於
世。因其地設有官渡。並有巡河防禦官駐紮。故當清初康

熙帝親征噶爾丹。道出此間。鑑於河防之重要。乃諭令歸化城土默特旗增設巡河防禦二員。巡丁若干。分駐於南海子與湖灘河朔兩地。而湖灘河朔巡河防禦駐地。雖在河口。但其所轄應巡之界。則南暨於喇嘛灣。又加以設渡之處。必求河岸稍陂。而可以泊舟之地。第因黃流湍急。往往刷陂岸而成斬絕之崖。於是今歲渡處。未必即去年之舊。而明年所擇。亦未必仍以今歲為準。或徙之稍南。或移之稍北。在此段河流數十里間。殆無處非防禦巡界。亦即無處不可以官渡。湖灘河朔之名。呼之也。故遊牧記以西岸言歸綏畿畧以南界言。而朔漠方畧山西通志以設置地址言。均不誤云。

又案綏境黃河沿流官私津渡甚繁。雖不必盡屬銜要。然

河上交通亦不妨略存其概以備參考其在臨河縣境內

者曰毛撓亥渡縣西南一百二十里黃羊木頭渡縣西南七十里秀華堂渡

十縣西南二里嗎門圖縣西南五里黃家壕渡縣東南五十里其在五原縣

境內者曰黃家壕小渡縣西南五里惠德成渡縣西南六十里

渠同興堂渡縣西南六里馬密圖縣西南二里其在安北設治局

境內者曰沙圪堵渡縣西南二里任董牛渡縣西南二里馬五

渡三縣南一百里其在托克托縣境內者曰沙拉湖灘五里縣治

湖灘和碩八里縣治二道拐十縣南八里又有斷水黑河兩渡一

在北郊一在治西南三里其在薩拉齊縣境內者曰秦兆

江渡四縣南十里苗科舉渡十縣南餘里王子渡口五縣南十里李二

忙渡口十縣南五里王二渡口四縣南十里李明渡口十縣南十里

安世子渡十縣南五里高龍渡口兩縣南五里前後兩旗鄂其

在包頭縣境內者。曰西山嘴。百縣五西北里二。樂大船灣。二縣百西北。

里十寶善魚。百縣四北里一。攔虎圪堆。百縣四西北里一。羊廠圪漬。八縣十西。

里昭君墳。十縣西七。柳林子渡。十縣西六。烏丹補路。十縣西六。廠。

漢灣。十縣西五。大樹灣。十縣西五。南二。黃草窪。二縣西。王大漢營。

十縣西南。南海子。五縣南。十帽爾渡。三縣東南。磴口渡。三在十縣東。其。

在清水河縣境內者。曰喇嘛灣。屬南營子。屬清水河。北營子。

里石拐上。百縣二。治一。榆樹灣。百縣一。治一。里二。道塔。八縣十。治里牛。

龍灣。十縣五。治七。上城灣。七縣十。治里。陽落灘。一縣百。治里。園子灣。縣距。

十治八。里沙灣。六縣十。治里。柳青寬灘。九縣十。治里。下城灣。八縣十。治里。打魚。

蜜。八縣十。治里。老牛灣。百縣一。治里。一。

自邊牆沿線各要隘。

晉綏兩省轄境。自昔即以皇為界。故綏遠宿有口外之稱。此正。

因其位居沿邊各口之外耳。而兩省交通居中。最要之處曰殺虎口。地屬山西。方玉縣。而緊接綏境。循殺虎口邊牆。櫛比而東。曰破虎口、威魯口、助馬口、拒牆口、得勝口、鎮川口、張家小村口、鎮宏口、鎮花兒口、高廟子口、新平口、馬市口、循殺虎口邊牆。歷數而西。曰閻門口、雲石口、七墩口、大水口、白藍口、水門口、楊家大口、市懷口、莊口、二十六口、五眼井口、滑石口、水門洞口、老牛坡口、官河口、土地夾灣口。凡此各口。在無事時。為商運繞越之捷徑。有事時。為不可忽畧之險要云。

方輿紀要。殺虎堡在右玉西北四十里。嘉靖二十三年。置萬歷三年。增修周二里。分邊二十里零。堡逼近寇巢。兔毛河直通塞外。川原平衍。便於長驅。往往由此入犯。古道溝新水口等處。俱極衝隆。慶五年。設市場於此。為往來之孔道。破狐堡。

在右衛東北三十里。嘉靖二十三年萬曆二年增修。周二里。有奇。分邊四里零。內平梁鎮靖二處極衝。邊外大松樹山。豐州舊城。寧海雲川城一帶皆屬部。駐牧處威魯堡在助馬堡西四十里。嘉靖二十一年置萬曆初增修。周二里有奇。分邊十一里零。內雙井雙溝等處最衝。邊外東寺溝花子山齊頭山及禿墩一帶俱屬部。駐牧助馬堡在府同大西北百里。嘉靖二十四年築萬曆初增修。周二里有奇。分邊二十里零。內小振遠等墩極衝。邊外涼城兒一帶即屬部。駐牧堡設在極邊東接拒門等堡。西連保安。所謂外五堡也。迤東地勢平易。虜每突犯其馬頭山。迤西邊在山內無險可恃。隆慶以後置市於此。皆為衝要。自防考嘉靖二十六年應州參將移駐於此。轄堡九。分邊自北東路之垣牆堡至中路之破狐堡長七十

七里。是為大同北西路。所以增左衛之援。厚全鎮之防也。拒
牆堡在得勝西北二十里。嘉靖二十四年置。萬歷二年增修。
周一里有奇。分邊十三里零。內蘆草墩。破口墩。為最衝。而鎮
夷墩。鶯架墩。次之。邊外大虫嶺。諸處即屬部駐牧。邊防考堡
城。挺出邊外衝要。不下鎮羌。而孤危過之。得勝堡在府北五
十里。嘉靖二十年置。萬歷二年增修。周三里有奇。邊防考嘉
靖十八年。諸兵備使者駐宏賜堡。轄堡八分。邊起東路之靖
魯堡。至北路拒門堡。長九十六里零。三十三年移駐於此。是
為大同北東路。蓋直北之極邊。而鎮城之外郭也。鎮川堡在
宏賜堡東二十里。嘉靖十八年置。萬歷十年增修。周二里有
奇。今邊長二十里零。內魏家灣。黑石頭溝。鎮山店。俱最衝。邊
外威寧海南北二岸等處。即屬部駐牧。堡地勢平衍。嘉隆中

常為敵衝。新平堡在陽和衛東北百餘里。嘉靖二十五年置。隆慶六年增修。周三里有奇。分邊十八里。內水泉兒溝、榆林縣川為極衝。邊外小石城、榆林、舊縣俱屬。部駐牧。堡建於山後。東接宣鎮，西陽河南，接瓦窰溝、天成衛。嘉隆中屢為寇衝。歸款後，設市口於此，亦要地也。

山西通志引圖說云：和林格爾廳西土牆，西接清水河廳界，南抵殺虎口邊，止七十里。又寧遠廳南土牆西起殺虎口外，與口內邊牆隔越重山，相輔而東，至豐鎮西界止。延長一百八十里。

案綏境南限邊牆，東自興和縣界起，更歷豐涼和清四縣之南界，而西抵黃河之左岸。其間大小口不下三四十處。然以居中之殺虎口為最大最衝。明清兩代皆設重防。蓋

因其為控制西北交通市易及入貢之道。故較他處為特重耳。稍東如豐鎮縣南之得勝口。再東如興和縣南之新平口。亦均為兩縣入邊最要之途。惟當遼清時。僅許商旅通行。而不許西北諸部做為貢道。是以此等要口。若祇就交通論。固不減於殺虎之衝。倘就創制之謹嚴論。則綏南各口。殆無一能與殺虎比倫也。至於殺虎以西之各口。雖亦有一二稍著者。如七墩口。老牛坡口等。然其地位視得勝。新平二口。亦遠不逮矣。考明修邊牆。每於各衝口之內。或外築堡屯戍。以資捍衛。故迄於今日。其以口著者。亦往往同以堡名。如方輿紀要所舉諸堡。即其例已。

蒙古各卡倫及伊盟要隘

蒙古卡倫之在大青山後者。清初原設十處。其後漸增為十有

六處。並在土默特及烏盟各旗界。曰色爾德思。曰哈魯勒。曰哈刺陀羅海。曰哈拉和碩。曰翰滾特克。曰庫特依。曰特勒木圖。曰克勒溝。曰哈布塔蓋。曰沙拉哈達。曰烏蘭呼都克。曰烏蘭諾爾。曰莫多沁。曰巴顏布拉克。曰胡雅圖克。曰察罕庫圖勒。又其在

大青山一帶之蒙古卡倫。曰特門庫珠。曰憂魯第。曰蘇勒哲。曰烏達。

蒙古遊牧記。大青山後毗連蒙古遊牧。定於四子部落郡王邊界添設卡倫四處。達爾漢貝勒邊界添設卡倫二處。茂明安扎薩克邊界添設卡倫一處。烏刺特公邊界添設卡倫三處。

歸綏識畧。大青山後卡倫十六處。色爾德思。哈魯勒。哈拉陀

羅蓋。哈拉和碩。按哈拉陀羅海在茂明安南八十里。哈拉和碩在四子部落南百三十里。餘未詳。四處嘉

慶十九年設。九翰滾特克庫特依特勒木圖克勒溝歸土默特管。翰

特克疑即額古特。在烏拉特北。克里溝在歸化城西。北哈布

塔蓋沙拉哈達。披我明安界。餘未詳。四處道光十一年設。西

設。烏蘭呼圖克烏蘭諾爾歸延壽寺管。烏蘭呼圖克在四子

紅海子也。不詳所在。莫多沁巴顏布拉克胡雅圖克察罕庫

圖勒歸綏遠城管。察罕庫圖勒見前。餘未詳。又曰特門庫珠

卡倫在歸化城西一百四十里。東距黑勒庫東一百二十里。案當在

爾濟之北。夏魯第卡倫在城西二百里。距特門庫東一百二十里。蘇

勒哲卡倫在城西二百五十里。烏達卡倫在城西三百里。

河套伊盟各旗境有無卡倫舊籍俱未詳。惟其地形衝要之點。

頗有散見於各旗者。如鄂托克旗之保爾斯太溝。巴彥套海水

溝。石屯子溝。寧條梁。石拐溝。羊門子溝。喜鵲溝。趙官澗。爛泥河

等處。烏審旗之張馮畔、海拉兔溝、鄭家灣、雷龍灣等處。扎薩克旗之八哈才登灘、水磨環、哈不登窩子、耳林兔溝等處。準葛爾旗之沙梁、哈喇寨、古城、十里長灘等處。民國勘界案中皆視為要地。附錄彙文於後。資考鏡焉。

總務處檔彙勘界委員王中秀呈云：保爾格、斯太溝在鄂旗西北部，磴口之東南，北溝長約百餘里，寬約二三丈，活水小泉二眼，內有窄處五六十里，不等。陝山絕壁，夏月如遇陰雨，須防山水危險。係阿拉善旗入京大路，及各旗出入必經之地點。巴彥套海在鄂旗西部，相距二百四十里，為鄂旗緊要門戶。西通甘省渡口，東北鄂王府及烏審等旗大路。北磴口抵後套一帶，南接橫城，為鄂旗各城、綽炭窩駝脚之咽喉。四通八達，為緊要地點。永溝在鄂旗西南部，東通沙梁，西入黃

河寬深數十丈。溝底有苦水小泉。沙壁甚陡。過往行人維艱。為遊牧挖收甘草者之要路。稱鄂旗之險地。石屯子溝在鄂旗西南部。為山陝赴甘之要路。通南土山內之咽喉。為鄂旗衝要。竄條梁在鄂旗東南部。沙梁圍繞。有商四十餘家。居民百餘戶。靖邊設縣。佐一員。征收機關一處。教堂教地均在附近之間。為山陝赴甘必經之要路。石拐溝在鄂旗東北部。草山梁之南。此溝約有百餘丈。陡壁懸崖。淤泥無底。雖有獨木橋可通往來。然非土人帶路不能過。是鄂屬最險要之地點。羊門子溝在石拐溝之東北。險要情形同上。喜鵲澗即馬場河。亦在草山梁之南。險要同上。趙官澗在草山梁之南。險要同上。爛泥河亦名大岔河。橫居鄂旗東南部。寬深約有數十丈。水深尺許。寬只數武。底係紅泥。多有陷人之處。有小橋可

通山陝赴甘之行人多由此溝小橋畔曲折而行又勘界委
員塔斯哈呈云張馮畔村在烏審旗全部西南方東北距榆
林一百六十里西南距靖邊縣一百十里東南距邊牆五十
里東北通榆林西南達靖邊南進邊牆可通橫山縣西通寧
夏大路雙河相繞頗稱險要雖居民無多而西北有古城舊
基一處若設縣治最宜海拉兔溝在烏審旗全部東南其西
南距張馮畔八十里東南元大灘六十里東通榆林西南達
靖邊靖邊人民稠密土田肥沃可設警區鄭家灣在烏審旗全部
東南南距榆林縣十里東通神木南達榆林北至烏審西通
橫山近靠邊牆乃橫靖兩縣并窰夏一帶大路暨蒙民進榆
通商咽喉雷龍灣在烏審旗全部西南方南距邊牆二十八
里西通張馮畔三十里東通榆林西達窰夏北通四馬路西

南至橫山。有紅柳河渡口。勢在四通之地。八哈才登灘在札薩克旗全部西南。南距邊牆一百二十里。北距札薩營盤九十里。東距神木縣一百二十里。西南距榆林一百四十里。東北距東勝縣界二百八十里。南北袤十餘里。東西廣五六里。又在四通之地。堪設縣治。水磨環在札薩克旗全部東南方。係郡札兩旗交界。東北距東勝縣一百九十里。東南靠邊牆三里。至邊牆內陝西神木縣十里。西北距八哈才登灘一百五里。此乃郡王杭錦札薩克三旗通商赴神木大路。哈不他窰子在札薩克旗部東南方。南距邊牆五十五里。北距草地畔一百二十里。東距水磨環五十八里。此村住戶頗多。又有商業數家。為札旗東南之扼要。耳林兔溝在札薩克旗全部西北方。南距邊牆一百四十五里。西距八哈才登四十里。

地理志。西河郡南部都尉治翁龍埤。

方輿紀要。翁龍埤在廢勝州北。益壽塞在廢勝州東北。乘綏

案此二處當在歸薩二縣之間

安眾塞

方輿紀要。安眾塞在朔州北。唐會昌三年。回鶻烏介可汗

犯塞。振武節度使劉沔沔與天德將石雄出雲州。走馬邑。抵

安眾塞。遇敵。與戰。敗之。

保大柵

方輿紀要。保大柵在朔州西北。唐會昌三年。回鶻將啜沒

思來降。賜姓名李思忠。屯保大柵。擊破回鶻烏介可汗兵

即此。

萬壽成

方輿紀要萬壽戍在朔州北塞外。隋大業四年詔以突厥
啟民可汗奉化宜於萬壽戍置城造屋。或曰萬壽戍即啟
民牙帳帳煬帝幸此因名。

杞頭烽

方輿紀要杞頭烽在朔州西北。唐會昌二年回鶻為黠戛
斯所敗屯天德振武北境。河東節度使苻徹修杞頭烽舊
戍以備之。志云杞頭烽北臨大磧東望雲朔西控振武朔
州之要地也。既而回鶻烏介可汗屯杞頭烽北尋犯烽南
突入大同川轉鬥至雲州城門大掠而去。

大狼水寨

方輿紀要大狼水寨在朔州西。宋景德元年知府州折惟
昌自火山軍入契丹朔州界前鋒破大狼水寨是也。

又準旗勘界委員劉鈺呈云。沙梁北距楊家灣約八九十里。西距兩旗界約六十里。南距邊牆約四十里。距府谷約一百二十里。東距哈喇寨約四十里。哈喇寨北距楊家灣約六十里。西距沙梁南距邊牆東距古城均約四十里。古城北距楊家灣約五十里。西距哈喇寨南距邊牆東距十里長灘均約四十里。十里長灘西北距楊家灣約八十里。西距古城南距邊牆均約四十里。東距黃河約三十里。距河曲約四十里。距偏關約五十里。

案以上各條為綏境山河邊牆三系要隘。及蒙古卡倫形勝之大概。此外若張氏綏乘並將清代所設分司分汛。及民國初年籌擬設治之地。悉指為要隘。實則此類司汛與原擬設治地點。在曩昔廳縣稀少而轄境遼濶時。固不能

不視為邊疆衝要之區。但在今日。全省置縣漸多。壤地密接之時。則昔之所謂司汛要地。多已變為縣屬腹地。普通之鄉鎮。如畢克齊司。多爾濟汛。皆其例也。又如原擬設治之地。若包頭。若大余太。若纏金。均已改縣。或設治局。此更不得以山河要隘例之矣。故本篇於此類變質之地區。悉省而弗錄。蓋恐界劃不清。而徒增繁複耳。惟綏境猶有古代要隘數處。今雖未能斷定其原址之所在。然據舊籍而存其名。是亦述要隘者所不敢輕棄者也。茲附列其目如左。

益壽塞

漢書王莽傳。始建國三年。匈奴入雲中。益壽塞。大殺吏民。

翁龍坪

莽哥倉

方輿紀要。明初元兵圍大同。李文正出雁門。趣馬邑。進至白楊門。敗其眾。大同圍解。遂進兵東勝州。至莽哥倉而還。莽哥倉蓋在塞外。

橫水柵

方輿紀要。橫水柵在府同大西北。唐會昌二年。河東奏回鶻

烏介入雲朔。標掠橫水。胡氏曰。橫水柵名也。時置戍以防

回鶻。五代唐改橫水柵為石門鎮。同光二年。黜李從珂。戍

石門鎮。薛史。莊宗時吐谷渾白承福附唐。依北山北石門

為柵。賜額為寧朔。奉化兩府。以都督為節度使。授之其地。

即橫水柵也。

石輦鐸

石輦鐸

鐸鐸
四鐸

方輿紀要。石輦鐸在府西北塞外。宋宣和中。遼主延禧為
金人所敗。既失西京及沙漠以南。遂奔於訛薩烈之地。金
阿骨打自將襲之。前鋒蒲家奴等追及遼主於石輦鐸。大
敗之。又追至烏里質鐸。遼主遁去。

案以上諸蹟。皆綏境古要隘之見於史志者。顧氏方輿紀

要亦不過刺取舊史所有而彙存之。然於諸蹟原址終不

能一一指實。是可知前人之意亦無非欲錄存其名而已。

至上述諸蹟以外。雖尚有多名。然大致已均散見於省縣

疆域沿革及古蹟故城各條中。取而互參。其詳可得矣。

